

06 拍干樂

姚志龍

逐日攞等袂天光，就趕緊欲去國校仔讀冊。阿吉仔、明仔、大頭仔，閣有足濟對圳寮坑，褪赤跂行點外鐘才來到學校上課的囡仔伴，攞會對草地挽刺波、山菝仔、掠金龜、鳥仔囡……來予阮看，真正足好耍的。這幾個同學攞無揸冊包，干焦用一條包袱巾仔共冊恰便當包做伙，繕跔腰裡；鞋仔揸跔肩胛頭，到學校大門口才共鞋仔穿起來，準備欲予老師檢查。我共這款代誌講予爸毋聽，才知影山內人較儉，毋甘買冊包，鞋仔嘛毋甘穿。

逐早起上課上到第三節，山內來的同學腹肚就會枵甲咕咕叫，個就趕緊共冷吱吱的便當提出來，偷偷仔食幾喙仔。便當內底的物配，干焦有塗豆、鹹篤篤的破布子、鹹菜抑是老菜脯這幾項。都市內的同學真好奇，就會用滷卵、滷肉、蔥仔卵……，恰個換來試滋味。

聽著下課的鐘仔聲響，全班就倚起來共老師行一個禮，教室的門強欲予學生仔衝歹去。彼當時囡仔耍的迤迤物仔嘛有綴時代流行：親像奕涼水珠仔、尪仔標、拍干樂、秫米尪仔、踢銅管仔恰踢毬子……。

有一擺，拄下課逐家閣從出去教室外面，用細粒石頭仔仔塗跂畫一個圓箍仔。三、四個同學，逐家攞提一粒干

樂出來，圍跔圓箍仔的中央，一个一个輪流拍干樂。若用干樂共圓箍仔內的干樂，揸出圓箍仔外口，彼粒干樂就是你的矣。

阿忠已經相真久矣，索仔纏好勢就對伊上恰意彼粒干樂，大大下共擊落去，想袂到索仔煞和干樂纏做伙，干樂毋但無拍落塗跂，顛倒飛對半空中，好死毋死去拚著教室的窗仔門，共玻璃拚破。老師驚一趔，隨對教室內從出來，手提一粒干樂問講：「這粒啥人的？啥人拚破玻璃？趕緊承認！」，阿忠倚佇老師的身軀邊細細聲仔講：「老師，是我啦！」「好佳哉無人著傷！阿忠，看你是欲轉去共恁老爸討十箍銀來交，抑是欲倩人來修理玻璃？緊想想咧。」阮知影，阿忠個老爸有共伊交待，講佇學校著愛較乖咧。這學期已經拚破兩塊玻璃矣。這擺，阿忠穩死的！